

In' Kino.

Es Kino it doch weit-a-brät
 Fer viela Leut a grossa Fräd
 Etz i, i geah ja nit garn nei,
 Denn, wenn i drin hock, schlaff i ei.
 S'it just scho lenger wie a Jahr,
 Daß i amal in sou een war.
 Und wos i Euch dervou derzähl,
 It wahr, werhafti, meiner Säil:
 Nit weit vor mir, af'n vöidern Stuahl,
 Da war'n zwä g'hockt, kaum aus der Schual;
 Dia höm si' wädli rümgadrückt
 Und höm gat an sou arg verliebt.

Ar säigt: "Du bist mei guater Schatz"
 Und geit 'ra af der End an Schmatz.

Da drauf säigt sie: "Daß i di mog,
 Gall Michl, des sie chst jed'n Tog.

Bei uns, da werd's amal racht schöa,
 Wenn mir verheiert senn, mir zwä;
 I' flick Dei Zeug und malk die Gäs,
 I' ho' Di gaarn und koch d'r Kläb,
 Sou graß, wie uns die Sunna scheint,
 Wenn mir zwä zo en Paar vereint."

- Des war ihn Wasser af sei Müahl,
 Ar drückt sie an si mit viel G'füahl
 Und hob' i werkli richtig' g' Sahn,
 Na hat'ra no a Schmitzla gab'n.

Auf eemal werd'r weiß wie Kaas,
 Du liabe Zeit, wos it denn des?

"Au, S Chatz, mir tut mei Kreuz sou wäb,
 I me en, mi' stachet'n tausend Flöah,

Mei Knia d'ra brenna wie a Blitz,
 Wäst, des senn odder a kee Sitz!

Wia sou a Aff hockt mer dahin,
 Mi argart 's, daß i darei bin"

- I gläb vor lauter Angstgawimmer,
 Siecht der die Kinobildli nemmer!

"Macht Licht, macht Licht, mir werd's sou schlacht,
 Wenn's nou a weng dauert, moß i brach."

- Etz mecht mer Licht und mer schaut nach,
 Nach seiner Qual und seiner Plag',
 Doch meent'r, wos ar hat gamacht?

I hob mi halber toat galacht:

Ar hat den Sietz nit rogaklappt,
 It auf a Pföstla g'hockt der Dapp,
 Sei Knia senn vorna wider g' schtanna,

No, a sall verträigt doch a kee ann'ra!
 Ar it na mit sein'n Müd'la fort,

Dan find't mer sou schnell nemmer dort!

- Drum hörart, wos i Euch etzat sog,
 Zon Nutz'n des Euch diena mog:

"Wenn Ihr Euch hockt, na hockt Euch fest,
 Denn a guat 'r Sitz, des it as Best."